

سِرِّ اسرار

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميه در

اتبعون اهدكم سبيل الرشاد

صاحب و مدير مسئول : ح . اشرف اديب

عرب تاریخ ادبیات

ابوالعلاء معری

انبیا و ادبانه عقیده کی فکری

مابعد

بم فکرمه کوره بوسوزلرک ایکی درلوسنی ده سویله مشدر . اولجده سویلدیکم کبی معری ، دیگر فلاسفه لاهوتک طرز تفکرندن خارج بریول طومش دکلد . اوده اونلر کبی دوشونمش ، اونلر کبی استنتاج ایش ، اونلر کبی تصدیق ، اونلر کبی تکذیب ایش ، دلیک آرقه سندن قوشمش ، اونلر کبی برابر دونمش طولاشمشدر .

فیلسوفک شعرلری آره سنده کی ترتیبی بیله ییک ، اک صوک فکرینه ، اک یکی مذهبه واقف اولمش اولوردق . لکن تاریخلری مجهولدر . او حالده « فیلسوف ، بوسوزندن دونمشدر ، یوق آکا قائل اولمشدر . » کبی حکملره عقلی باشنده هیچ برکیمسه راضی اولماز . بزم ایچون یالکز بریول واردر ؛ اوده : فیلسوف ، آثار قدرتی تبیع ایدرکن اولمشدر دیمکدر ؛ ابوعثمان الجاحظ وسائرده (نظر ایدرکن فقط حقه واصل اولادن اولن ؛ مطیعاً اولمش دیمکدر ؛ چونکه نظرک وجوبی و بو خصوصده بذل جهد حقنده کی امرالهی به امثال ایده رک اولمشدر ؛ حق تعالی هر کسه آنجق وسی مرتبه سنده تکلیف ایدر .) تصریحده بولونیورلر .

شیمدی ، شو جهت قالدی . بری چیقارده سویله دیبه بیلیر : « حق صریحه قارشی بوتردد نه ، حضور یقینه بوشک ، موضع هدایتده بو حیرت نه ؟

بونه نهایتسز صاپیتغانلق ؟ بو حال ؛ عقلک ضعیفکنه ، فکرک طورغونلغنه ، نظرک قیصه لغنه دلالت ایتمی ؟ هر کسک مظهر هدایت اولدوغی مسائله حیرتله دوچار اولق ، عالمک یقین کسب ایتدیکی امورده شکدن قورتولاماق ؛ اعتقادک فنا لغنه ، باطنک بوزوقلغنه ، نظرک قیصه لغنه بر دلیل دکلیدر ؟

معری به هر کسک طوتدینی یولی طومتق ، بو وسوسه لردن یاقایی صیرمق اولدکی ایدی ؟ « بن ، اوکا دیرم که :

« عزیزم ، بر آزی اواش اول . عقیده لر صائق اوزره اورته به آتیش ، قیمتی انه کچن هر کسک آلابیله جکی بر قماش دکلد ؛ اونلر سمای عرفانده پرواز ایدن ارواح کریمه در ؛ انسان اونلرله کندی روحنی تألیف ایتک ایستر ، بوکا موفق اولونجه آرتق یورکی راحت ایدر . بردرلو اینانامادینی ، بل باغلا یامادینی ، یاخود شک ایتدیکی شیلری قلبنه صوغه قالدیشرسه بوبره کی ایله طحالی آراسنده بردرده اوغرایوبده بوتون عمرنجه سورن ، هیچ برعلاج کار ایتمین برخسته لکه طوتولان برآدمه بکزه مش اولور . بودردک سائر اعضایده سرایت ایده رک حرکتدن آلیقویماسی ده حسابده واردر .

نظر ایدوب ، آراشدیروبده حقه واصل اولمایان ، یاخود نیتی

فنا اولمادینی حالده آیانی باطله طوغرو قایان آدم ؛ تقلیداً حق قبول ایدن آدمدن خیرلی در . چونکه : تقلید ؛ حقه اولدوغی کبی باطلده اولابیلیر ، ضررلی شیلرده حاصل اولدوغی کبی نافع شیلرده بولونه بیلیر . او ، پک بویوک بر ضرردر ؛ حیوان ، تقلیده معذور اولابیلیر ؛ فقط انسان ایچون ناخوشدر .

عبرت آلامره :

معری ؛ بوتون بوسایوب دو کدی کمز افکارینی ؛ قرون وسطاده ، ظلم واسه تباداد ، حریت عقلدن محرومیت ، دین نامه حکمرانلق کونلرنده تصریح ایدیور . او کونلرده که : وزیرلر ، یا جامد برفقیه ، یا بر بدلا اولورلردی . او کونلرده که : بر آدمک آفرندن چیه جق برکله ؛ یکریمی بیک کشی بی فضله ، بر او قدری ده مجدوشرفه سوق ایده بیلردی ؛ حریت دینه ، حریت مطبوعات ، حریت نشریات ، حریت اعتقاد و نظر یوق . عقول و افکار ، زنجیرلره باغلی . برکله ؛ بر آدمک حیاته مال اوله بیلیر ، کندی اولدکن صوکره عائله سی ده حصه مند فلاکتی اولور . حاصلی اک قراکلق کونلرده

معری بوسوزلری ، اویله بر زمانده سویله دی ، هیچ بر ظالمک قورقوسی ، هیچ بر حاکم هیبتی ؛ فکرینی آچیقجه سویله مهنه مانع اولامادی .

یو کسک سسله باغیردی ، فکرینی جهراً اعلان ایتدی . حال بوکه کیمسه سز بر آدمی ؛ نه بر خاندان حکمداری به منسوب ، نه بر پادشاهک وزیر ایدی . حاکمه رشوت اولارق ویریه جک مالی یوقدی ، عندالجاهه مترس کبی قوللایمق اوزره بویوکارله اوغراشان شعرلری ده یوقدی . بونلری ، ایکی مجلسک ایچنده یازدی : او و کوز . سنده اوتوز دیناره بالغ برکلیری وار ایدی ، بوتون مامانکی بوندن عبارت ایدی ؛ او ، بر چکرکه ، بر مایمون قدر فقیر و حقیر ایدی . فقط بونلرک هیچ بری ؛ قناعات فکریه و اعتقادیه سنی سربسته ججه سویلکه مانع اولامادی . [۱]

مترجمی

عبد اللطیف نوزاد

تألیف

قیلیج دینی

سکرنجی باب

بی اسرائیل و برهورا حکومتلری

[بو بابک اوست طرفی کچن نسخه ده]

بو سوز دوغرو چقدی . « قوراللق او قدر دوام ایتدی که : (افرایم) و (زبولون) سبطلرینه مخصوص منبت ، یشیل وادیلر و اووالر حرارتک ، صوسزلرک تأثیریه قاورودی قالدی ؛ بیکارلر ، قوبولر ونهرلر قورودی ؛ حکمدارلرک ذاته مخصوص بارکیلری و اینکلری دیورمهغه کافی اوت

[۱] سبیل الرشادک معری حقنده سویله جکینی وعد ایتدیکی سوزلره

کله جک هفته انتظار ایدیلدی در .

موافق ایدی . هر بویوک تهلكهكك ظهورنده بی اسرائیل بویابه طوبیلا نوب
یکدل ویکلسان جناب حقن کندیلرینه بخش ایتدیکی امانت متوارنهكك دشمنه
قارشی محافظه بی استرحام ایدرلردی . یهوشافاتك استرحامانه کوزیاشلی ده
زفات ایدوب بوتون اهالی ، حتی قادیلرله چوققلر بیله بودعابه اشتراك
ایدیورلردی . بودعا ائساننده (جهازیل) اسمنده برنجی بی اسرائیل آنلره
دعالرینك قبول اولندیغی و جناب حقك کندیلرینه بخش مظفریت ایتدیکی
خبروردی . بونجی یارین همان دشمن اوزرینه حرکت اولنماسی و دشمنلرینی
قدس ایله (آنچه دی) قصبه سی آره سنده (سیس) دینیلن تپه ده اردو
قورمش بوله جملرینی توصیه ایتدی ؛ بوراده بی اسرائیل ساده جه سیرجی کبی
دوریرکن جناب حق آنلرک یرنه محاربه بی ایده جک ایدی .

بی بوشافاتی ویرنجیه (یهوشافات) ایله بوتون موجود اهالی اسرائیلیه
یرلره قاپانهرق (لای) لرك - یعنی رؤسای دینهكك - آهنگ عبودیت
وشکرانلری یوکسلیرکن جناب حقه حمدوئنا ایتشلردر . ایتسی کونی حکمدار
ایرکندن قالدی . (ته قوآ) شهرینك یقیننده کی محرابه کورتوره ک پیغمبرینه
اعتماد و بویله جه جناب حقه استناد ایتلرینی سوبله دی . و صانکه بوم ظفرده
ایمش کی اُک بویوک رؤسای روحانییه بویرلره ایلریدن کیتمه لرینی و (لای) لرله
تقبیلرک آنلری تعقیب ایلمه لرینی امر ایتدی . یهودیلر بواصره اطاعتاً و بوترب
مختم ایله دشمن اوزرینه یورومکه باشلانجه دشمنك قبلرینه اوله عظیم بر
خوف و خشیت کلدی که : یکدیگرینه هجوم ایتدیلر ؛ وصوک درجه برشدتله
غوغا ایدره ک هپسی کندی سلاحلرینك قربانی اولدیلر . (یهوشافات) وادی به
باقدینی زمان آنک اولولره مستور اولدیغی کوردی ؛ کندی طرفندن برقطره
قان دوکولکسزین قازانیلان بومظفریت عظیمه پک خوشنه کیده رک عسکرینه
غناک هرکه عائد اولهرق یاغماسی امر ایتدی . غنایم اوقدر زیاده ایدی که :
ساده میدان حربدن قالدیرمق ایچین اوچ کون صرف اولندی . دردنجی
کونی یهودیلر (براجیا) وادیسنده طوبیلاندیلر و حکمداره قدرتنك صرح کارانه
استعمالندن درلانی عرض تشکر ایتدیلر . ایشته بووتمه به حقه وقوع اولدینی
ایچین وادی به (وادی نعمت) اسمی ویرلش و بویکونه قدر باقی قالمش در .
« بعده اردو قدس ککش ، بوراده نذرلر ، قربانلر ویرلش ، کونلرجه
شملکر ، ضیافتلر پایامش در . بوشایان حیرت مظفریت اقوام متجاوه اوزرنده
(یهوشافات) ک امثالسز درجه ده دوغرو برآدم اولدیغنه ، بناء علیه رب
طرفندن صورت مخصوصه ده مظهر شفاعت بولندیغنه عائد برتأثیر حاصل ایتش
ایدی . »

(یهوشافات) وفات ایدنجیه اوغلی (یهورام) پدیرینك تختنه جالس
اولدیغندن عینی زمان ده کرك اسرائیلیه ، کرك یهودیه دولتک حکمدارلرینك
اسملری بیننده مساوات حاصل اولشدی . آنجق یهودانك حکمداری اولان
(یهورام) تختنه چیقار هیقماز اجرا آتته قردشلرینی و پدیرینك الك سودیکی
دوستلرینی اعدام ایله باشلامش ، نام و شهرتی لیکه دار ایده جک هر درلواحو لده
بولنمش در . نهایت بوقانلی حکمدار مستکره بر اولوم ایله [۲] اولمش در .
تبعه سنك اوقدر نقرتی جلب ایتش ایدی که : جسدی حکمدارانه مخصوص
مقبره به دفن اولنمادی : اسرائیلیه حکمداری اولان (یهورام) ایسه (راموذ -
جلعاد) شهرینی محاصره ایدوب اثنای هجومه یاره لائمش ، یاره سنه باقدیرمق
اوزره (جرزبل) ه چکیلمش دی . یهودیه نك بکی حکمداری (آخازیا)
کلوب آتی بوراده زیارت ایتدی . [۱]

اسرائیلیرک حکمداری مجروح یاتارکن اردوسنك قوماندانی (یهو)
بلده مخصوص بی هجوم ایله فتح ایتش ، اردوده آتی حکمدار اوله ق
آلقشلامش دی . بونک اوزرینه متغیب (یعنی یهو) جزریل اوسقنه یورویوب
(یهورام) ایله (آخازیا) بی طوتدی ، ایکسینی ده قتل ایتدی .

حیله کار (یهو) قانلی ، لکن مظفرانه اجرا آتته دوام ایدیوردی .
بونک امریله مقتول قرالک والده سی اولان (جزه بل) ، آهابك یتش اوغلیله
متفقانی ، آخازیانك قرق ایکی افراد عائله سی ، تیر یعنی صور شهرینك (بمل)

[۲] ایکنجی قرونیل - تاریخ بی اسرائیل - ۲۱ نجی باب - ۱۹ نجی فقره

قالادی . [۱] « بوشاده (ایجاج) ناکهان حکمدار (آهاب) ک حضورینه
چقبوب هرایی دینک هانکیسی حق اولدیغی برمعجره نجلیسی صورتیله علنی ،
عمومی برتجربه به قوعنی تکلیف ایتدی . وقعه او یوکسک (قارمل) داغی
اوزرنده جریان ایتدی . (بمل) ه تعبد ایدن پتیرست روحانیلردن ۵۰۰
کیشی طوبیلائش ایدیلر . حالبوکه : دین موسوبه نامه (ایجاج) یالکیز
بولنیوردی . بوتون اهالی طوبیلائش ، کمال مراقله نتیجه به انتظار ایله یوردی .
هرهانیکی طرفک اورتیه وضع ایله دیکی قربان ویا تقدمه سمائی برآتشله یانارسه
او طرفک دینی « دین حق » عد اولنق تقرر ایتشدی . (بمل) کاهنلری ،
رجال روحانیه سی قربانلرینی انتخاب ایدوب موقع مخصوصه قوبدیلر : طلوع
شمس دن غروب شمس قدر هپ برآغزیدن دعالر ، الهیلر او قویارق تقدمه نك
یاغماسی ایچین اللهلرندن استرحامانده بولندیلر ؛ لکن هر طرف ساکت و قربان
حالت اصلیه سنده قالدی . صوکره (ایجاج) کندی محرابی قوردی ، و اطرافنه
صو ایله مملو برخندک یاپدی . نذرینی محرابه قویوب جناب حقه قیصه بر دعا
ایتدی ؛ جواب کلدی ؛ شدید برکوک کورولتوسی ایشیدلدی و بویوک
برشمشک چاقوب محرابه کی تقدمه بی یاپدی ، خنده کده کی صوبی قوروتدی .
بی اسرائیل بومعجزه قارشیسنده هم متعجب وهم معتقد قادر مطلقه قارشی
یوز اوستی دوشوب آتی یکانه اله حی و حقیقی طانیدیلر . « ایلاس بونک
اوزرینه درت یوز الی یالانجی پیغمبرک قتلنی امر ایتدی . و اهالی مسرت
ایچنده داغیلدیلر . [۲] »

بو وقعه دن بر قاق سنه صوکره (ساماریه) ده (آهاب) ، سوریه
وشام قرالی و آنک متفکری ۲۲ قرالار طرفندن محاصره ایدلدی ؛ لکن
اسرائیلیرک حکمداری دشمنی بریشان ایتدی . هجوم ائساننده دشمنك قتم
اعظمی شرابه سرخوش اولمش و سلاحسز بولنشلردی . بولنردن بعضیلری
دوکوشه رک قورتلدی ، لکن آرقه لرندن یتیشیلوب طوتلانلر قتل اولندی .
دشمن بریشان قوتلرینی طوبیلایهرق (آفه قا) شهری جوارنده کی برصهراده
اردو قورمش ایدی . (آهاب) ده سوریه لیلرک قارشیسنه اردو قوردی ؛
آره ده مرور ایدن فاصله زمانده بی اسرائیلی و پیغمبرلرندن بری (آهاب) ایله
عسکرینی مظفریت قطعیه به دائر تأمین ایتش ایدی . شدتلی بر محرابه وقوع
بولوب سوریه لیلر بوزولدیلر ، مظفر اسرائیلیر طرفندن « برچوققلری اثنای
تعقیبه اولدیرلیدیلر ، بعضیلری ده کندی محرابه عربلری و آرقه داشلری
طرفندن هلاک ایدیلر ؛ برطاقلری ده پارچالاندیلر . فرایلردن برازی یکانه
موقع محفظلری اولان (آفه قا) شهرینه قاجه بیلیدی . یابیلان حسابه نظراً
بوشهرک سورلری دینده ۲۷۰۰۰ کیشی دفن ایلش اولوب محرابه ده تلف
اولانلرک مقداری ایسه ۱۰۰۰۰۰ کیشی تخمین اولنیور . [۳] »

اسرائیلیه حکومتی بواشلرله اوغراشیرکن یهودیه حکومتی بر دور صلح
ورفاه کچیر یوردی . فرق رسنه سورنه بر دور حکومتدن صوکره (آسا) نك
اوغلی (یهوشافات) تختنه کچمش ایدی . بکی حکمدارده پدیرینك عائلان
وتقوا پرستانه حرکتنه اقتفا ایدوب مملکتلرینی تحکم ایتدی ، قوتلی بر اردو
بولندیوردی . و اوغلی (یهورام) ایله (آذالیه) بی اولندیروب اسرائیلیه
حکومتی ایله براتفاق وجوده کتیردی .

« ائنالرده (مؤابی) لر ، (عمونی) لر و قبائل عربیه یاره ایله کثیرالمقدار
عسکر تدارک ایدوب قدس دن تقریباً ۳۸ میل اوزاقده کی (آنچه دی) شهری
اوزرینه یورویورک (یهوشافات) ایله محرابه ایتک ایسته دیلر . (یهوشافات)
بونلرک کولی کچدکلرینی کورنجیه ملتی طوبیلاوب عبادتگاهک (مسجد ایصا)
اؤکنده دوردی و دشمن اوزرینه کندیلرینه بخش غلبه ایلمه سی ایچین جناب
حقن دعا ایتدی . (ژره و فوس) دبرکه « : [۴] بو حرکت بنانک (یعنی
معبدک ، مسجد اقصانک) ایلاک انشا اولندیغی زماندن بری قبول ایدیلن عاده

[۱] (میلخی) ک یهودیلرک تاریخی - سکرنجی کتاب

[۲] ژوره فوس - سکرنجی کتاب - یذنجی باب

[۳] ژوره فوس - سکرنجی کتاب - سکرنجی باب

[۴] ژوره فوس (دو قوزنجی کتاب - برنجی باب)

بوندن ماعدا بن ، عسکر سز وسطو تسز بر آدم . رفاقتله روس
اوردوسنک هیبتی آرتمایاجنی کبی بولونمايشمله ده عسکر کزک قوتی
اکسیلوز . جوانی ویردم .

— ناصل آرزو ایدر سه کز اوپله اولسون . برلکده کلمه
مجبور دکلسکز . دیدی .

— شیمدیکی حالده حکومتکزک تحت حمایه سنده بولونویورم .
اگر بنم آرزوی آریور سه کز آته بینمک و آوه کیتمکده در . زیرا
کچیردیکم صدمات طولایسبله آرتیق محاربه دن تنفر ایدیورم . دیهرک
ایشی لطیفه ده دوکدم .

— کندی چادرمک یاننده سزک ایچین ایکی چادر قوردوردم .
دیدی . تشکر ایتدم . فی الواقع ایچراطورک عمجه زاده سی ایچین
قورولان چادرلردن اوتوز ، والینک چادرلردن ده قرق قدم فاصله
ایله بزم ایچین ایکی چادر اقامه ایدیلشدی . والی ، هر کون بش ، آلی
دفعه بنم کوروشمه ده کلیوردی .

یکرمی کون سوکرا بنی چاغیرتوب :

— عسکر من افغانستانه یورومک ایچین حاضر در . سزده کیتمک
ایستهرمیسکز ؟ سؤالنده بولوندی .

— اکر افغانستانی روسیه نامنه تسخیر ایتک فکرنده ایسه کز
بنم کیتمه مدن نه فائده حاصل اولاجق ؟ یوق ، آلوب ده بکا ویرمک
املیله کیدیور سه کز نافله زحمت چکمه یکز . بیک نفر نظامیه پیاده سی
وبیک نفر نظامیه سوارسی ایله بر باطاریه طوب ویریکز . بن کنیم
کیدر ، ولایتی استرداد ایدرم . مع مافیله شوصیراده دعا کوی دولت
اولقله و آته بینوب آوه کیتمکله مشغولم . بناء علیه سمرقنده قالمق
بنم ایچون مرچچدر . شوده وارکه سز بوقدر آز عسکرله افغانستان
اوزهرینه یورویه مزسکز . چونکه افغانلیلرک نه قدر شجیع اولدق لرنی
وارکنج اهلایسی کبی اولمادق لرنی پک ای بیلیرسکز . شبهه سزکه
مقصد کز باشقه در . جوانی ویردم .

مترجی

طاها المولوی

مابعدی وار

تجلیات اسلامیة

تجلیات اسلامیة

صوک هفته نك وقایع مهمه سی آره سنده الك جالب دقت اولانلر
افغانستان امیری حضرتلرینک عثمانلو صدراعظمی سعید پاشا حضرتلرینه
یازمش اولدینی مکتوبی وفرانسسه باش ناظری موسیو پو آنقاره نك
نطقی در .

شو ایکی واقعه یك دیکرینه اختلاف منابع وبعد مسافیه رغماً
غایت صیقی بر رابطه مغویه ایله مربوطدرلر . هر ایکسی عین موضوعه

رؤسای پترستانک جمله سی قتل ایدیلوب (بعل) معبدی دخی تخریب اولنش در .
یهودیه حکومتک بوش قالان تفتی (یو آش) طرفندن اشغال اولنور
اولناز مقتول حکمدار (بهورام) ک زوجه سی آتالیا دخی قتل ایدلش دی .
« بو ایشی یازمه مأمور اولان ضابطله شاید آتالیایی قورتارمه تشبث ایدن
اولورسه آنلرکده هان اولدیرله سی امر ایدلش دی . »

بو امرک ایفاسندن سوکره یکی حکمدار مسجد اقصایه کیدوب [۱]
مواجهه عمومیه ده « وظائف مذهبییه نك ایفاسنه ، اوامر الهیهیه - حضرت
موسی طرفندن نقل اولندی و جهله - انقیاد تام کوستره چکنه « مین ایتدی .
بورسم تحلیفدن سوکره اهالی مجتمعا (بعل) معبدینه کیده رک بنشایی خاک
ایله یکسان ایله دیلر و بو ائنده (مانان) اسمنده [۲] بر پترست راهبینه ده
قتل ایتدیله .

کرك یهودیه ، کرك اسرائیلیه حکومتلرنده بکدیگرینی متعاقب بر قاچ
حکمدار کلدی ، کچدی . لکن اعطای تفصیلاته شو بحیثه لر مساعد اولدیغندن
(ارکیا) نك یهودیه و (هوزیا) نك اسرائیلیه حکمداری اولدینی دوره
کچه جکزکه : بو ائنده اسرائیلیه حکومتک نهایی آرتق سرعتله یاقلاشیوردی .
چونکه (آتوریه) دولتی قرالی (سالامانزار) سامریه اوزرینه یورومش ،
اوج سنه دوام ایدن عنودانه بر محاصره ومدافعه نتیجه سنده شهری تسلیم
آلهرق ۲۴۰ سنه در بالاستقلال موجود اولان اسرائیلیه حکومتته نهایت
ویرمش در . اسرائیلیه حکمداری اسیر اولنش ، بنی اسرائیل ایسه و غلزلردن
نتی واجلا اولنش دی . ایشه بو تاریخدن اعتبار آدرکه : تاریخ بنی اسرائیلک
اون ایکی سبطندن ، اسرائیلیه حکومتی تشکیل ایتک اوزره آیرلش اولان
اون سبطنک اینزنی - معین ، مستقل بر ملت اولق اوزره - غائب ایدیور .

مترجی

علی رضا سینفی

افغانستانه

امیر عبدالرحمن خان

(مابعد)

شهر سبزک امراسی (خوقند) کلدیکی کبی اورانک خانی بونلری
طوتوب تاشکندده کونده ردی . یولداش لریله ماللرنی ده نفسی ایچین
ضبط وتوقیف ایله دی . بکار ، اون سکز آی تاشکندده محبوس قالدیلر .
سوکرا محبوسدن چیقاریلوب بر مقدار آیلغه نائل اولدیلر . (میربابایک)
ایله (میرسهراب بیک) برادرلری و آرقه داشلریله ۱۳۰۴ سنه سنه قدر
تاشکندده موقوف قالدی . بخارا امیری ده بونلرک اهل و عیالی یانلرینه
یوللادی . بو وقعه دن ایکی سنه سوکرا روس عسکری (ارکنج)
اوزهرینه یورومک ایچین حاضر لاشدی . تاشکند والیسی عسکرله
(جزک) کلوب بنی ده چاغیرتدی . آرابه ایله ایکی کون سوکرا ملاقی
اولدم . علی المعتاد اکرام واحترام کوسته ردی و اثنای مصاحبته :

— عجبا معیتکزله برابر ارکنجه قدر بکا رفاقت بویورورمیسکز ؟
تشریف ایدرک اولور سه کز لوازم سفریه کزی ا کمال ایدر زه . دیدی .
— آرقه داشلرک سزکله کلک ایچین حاضر لانا بیلمه سی بر آیه
متوفدر . سز ایسه بوراده دورت کوندن زیاده طور اماراز سکز . دیگر
جهتدن بوحر بکز مسلمانلرله اولاجقدر . بز ایسه اونلرله هم دین
وهم مذهب . شریعت مز بزی اخوان دینزله چارپیشمقدن منع ایتشد .

[۱] قرونیکل - تاریخ بنی اسرائیل ۲ - ۲ نجی باب - ۶ نجی قهره